


Tsab Cai Rau Lub Tuam Txhab Tag Nrho		
Theem Nyob Tam Sim No: <i>Tab Tom Raug</i>		Tsab Cai Tus Lej: F-16
	Tsim Thaum Twg:	05/17/1994
	Hnub Tim Nyuam Qhuav Tshab Xyuas:	07/11/2024
	Yuav Rov Tshab Xyuas Dua Thaum Twg:	07/11/2027
	Tus Lav Ris Rau Cov Ntaub Ntawv Nyob Rau Haud	Tus Thawj Tswj Xyuas Nyiaj Txiag
	Daim Ntawv Nyob Rau Qhov Twg:	Pawg Nyiaj Txiag
	Phim Rau Qhov Twg:	<input checked="" type="checkbox"/> CVMC <input checked="" type="checkbox"/> CVMG
	Kev Zam:	<input checked="" type="checkbox"/> Tsis Zam Qhov Twg Hlo Li

## Tsab Cai Pab Nyiaj Txiag thiab Tiv Thaiv Ntawm Nuj Nqis Kho Mob

### I. TSAB CAI

Catawba Valley Health System (CVHS) muab tej kev pab cuam kho mob rau txhua tus tib neeg txawm lawv muaj peev xwm them nqi kho mob los xij. CHVS tsab cai pab nyiaj txiag (FAP) yog tsim los pab cov neeg mob uas tsis muaj kev tuav pov hwm los yog muaj tsis txaus uas yog pej xeeb Amelikas thiab muaj nyiaj tsis txaus los mus them nqi kho mob. Tsab cai no yog rau Catawba Valley Medical Center thiab Catawba Valley Medical Group, tsuas yog thaum qhia meej txog kev zam qhov no.

### II. TUS TXHEEJ TXHEEM

Tej kev pab cuam uas sau tsis tau nqi rau, raws li txoj cai qhia mas, muaj kev txwv ntxaws raws li Catawba Valley Health Systems cov lus qhia. Cov kev pab cuam pab zoo nkauj tuaj yuav tsis tsim nyog txais kev pab nyiaj txiag. Kev Pab Nyiaj Txiag yuav los tom qab twb sim sau nqi ntawm tag nrho lwm qhov chaw pab nyiaj txiag suav nrog koom haum tuav pov hwm, tseem fww cov khoos kas, cov koom haum sab nraud thiab lwm qhov chaw uas pab them nqi tau. CVHS yuav kuaj txhua tus neeg mob hauv tsev kho mob seb lawv puas tsim nyog rau kev pab nyiaj txiag no.

Kev Tsim Nyog Txais Nyiaj Pab Dawb-Rau cov kev pab cuam hauv tsev kho mob xwb (yuav sau nqi ntawm Meditech)

Cov neeg mob uas kuaj pom tias nyaj lawv tsim nyog txais nyiaj pab dawb (PE) yog nyob ntawm tej qho kuaj ntsuas sab nraum nyiaj txiag. Cov neeg mob tsis tas muab ntaub ntawv pov thawj rau peb los yog lwm yam kev pov thawj kom thiaj tsim nyog. Tej qho kuaj ntsuas seb puas tsim nyog suav nrog (cov neeg mob yuav tsum phim yam tsawg kawg nkaus yog ib qho).

1. Tsis muaj vaj tsis muaj tsev;
2. Muaj mob puas hlwb es tsis muaj leej twg los sawv tus neeg mob cev;
3. Tus neeg mob los yog ib tug me nyuam hauv nws tsev neeg tau tso npe koom rau Medicaid;
4. Tau tso npe koom lwm lub khoos kas pab zej tsoom fab nyiaj txiag (suav nrog, tiam sis tsis txwv rau, Lub Khoos Kas Rau Poj Niam, Mos Ab, thiab Me Nyuam Kev Noj Qab Haus Huv (Women, Infants, and Children Nutrition Program), Lub Khoos Kas Pab Noj Qab Haus Huv (Supplemental

Nutrition Assistance Program).

Pib 1/1/2025, nyob rau hauv tus txheej txheem tso npe los yog tus txheej txheem ua ntej tso npe kom cov kev pab cuam hauv tsev kho mob yog muab sau nqi ntawm Meditech xwb, es nyob rau hauv tus txheej txheem no cov neeg mob yuav tsum teb ib co lus nug kom thiaj txiav txim siab seb lawv puas phim ib qho ntawm plaub qho saum toj no. Lawv cov lus teb yuav muab khaws cia rau hauv lub txheej xwm Saib Xyuas Neeg Mob Cov Nqi. Nyob rau hauv lub sij hawm ntawd, yuav qhia cov neeg mob seb lawv puas tsim nyog rau kev pab nyiaj txiag rau txoj kev xyuas tsev kho mob. Cov neeg mob uas tsim nyog no yuav txais ib tsab ntawv nyob rau ntawm qhov chaw nyob uas nyob rau hauv peb lub txheej xwm, yog muaj, uas

yuav piav ntxiv txog kev tso npe rau Medicaid thiab ntsig txog kev pab nyiaj txiag. Cov neeg mob uas tsis muaj kev tuav pov hwm kho mob uas tsis tsim nyog txais kev pab nyiaj txiag kuj yuav txais moo txog kev tso npe rau Medicaid thiab ib co ntaub ntawv qhia kev tso npe rau kev pab nyiaj txiag. Cov neeg mob uas tsis kam teb cov lus nug saum toj no yuav tsis tsim nyog txais Kev Pab Nyiaj Txiag.

Ua ntej yuav muab ib lub as khauj rau hauv tsev kho mob lub txheej xwm muag rau lwm lub koom haum (lub koom haum tsub nqi) vim tshuav nuj nqis, txhua tus nqi uas neeg mob uas tsis muaj kev tuav pov hwm seem tshuav yuav muab xa mus rau peb lub koom haum koom tes, MedProve. MedProve yuav tshuaj xyuas cov ntaub ntawv no rau hauv lawv lub txheej xwm kom kab seb ib tsev neeg lawv khwv tau nyiaj txiag ntau npaum li cas, tsev neeg loj npaum li cas, thiab seb tsev neeg puas pluag txaus raws li Tseem Fwv Cov Cai Txog Kev Pluag (FPL). Yuav xa moo rov qab mus rau CVHS nrog cov ntaub ntawv ntawd. Cov neeg mob uas pluag li 300% mas peb yuav hloov lawv tus nqi them npaum li 100%.

Kev Pab Nyiaj Txiag tsuas yog rau lub as khauj uas tau tshuaj xyuas nkaus xwb. Cov neeg mob uas tsim nyog txais kev pab nyiaj txiag tej zaum lawv yuav tsum sau npe rau ib daim ntawv ua tim khawv.

Rau CVMC thiab CVMG:

Txuas ntxiv rau tej saum toj no, CVHS kuj suav hais tias tej xwm txheej nram qab no tej zaum yuav kom thiaj tsim nyog txais kev pab nyiaj txiag uas tej zaum yuav nrhiav pom tom qab tawm tsev kho mob mus tsev thiab tej zaum yuav tsum muab ntaub ntawv pov thawj pub rau peb thiab.

1. Cov neeg mob uas tas sim neej yam tsis muaj teej tug hlo li
2. CCM (Lub koom haum Cooperative Christian Ministry) kev pab cuam rau tej tus nqi uas qis dua \$500 nrog lus xa neeg tuaj. Cov lus xa neeg tuaj uas muaj nqi siab dua \$500 yuav tsum ua ib daim ntawv tso npe rau Kev Pab Nyiaj Txiag.
3. Daim ntawv thov kho cev kom muaj tsis taus me nyuam raug xyeej pov tseg ntawm Medicaid vim muaj teeb meem ntawm txoj cai
4. Cov neeg mob nyob ntawm Ryan White Grant thaum uas tus nqi them tus kheej tsis tau muab them ua ntej dhau 120 hnuv
5. Cov tshuaj txhaj yus tus kheej uas Medicaid tsis duav nqi
6. Lub cheeb tsam Catawba County Public Health tau xa neeg tuaj txais kev pab cuam kuaj ntsuas uas phim CCPH cov ntsiab cai kom muab pub dawb
7. Cov neeg mob cwj pwm uas tsis muaj kev tuav pov hwm uas yuav tsim nyog txais nyiaj txiag pab ntawm 3 qho tiam sis cov nyiaj rau lub xyoo ntawd twb tag lawm

Cov neeg mob uas tsis tsim nyog txais nyiaj pab raws li sau saum toj no, lawv tseem muaj lub cib fim txais nyiaj pab thiab kev txo nqi kho mob thaum lawv ua ntawv tso npe tiav rau kev pab nyiaj txiag.

Cov ntsiab cai ua ntej ntais tau muab piav nram qab no:

Cov nyiaj khwv uas muab suav seb puas tsim nyog txais nyiaj pab dawb yog suav cov nyiaj uas khwv hauv ib lub hli ua ntej them se ntawm txhua tus neeg uas khwv nyiaj rau hauv lub tsev, suav nrog cov neeg vam txiaj ntsig. Cov nyiaj khwv uas yuav suav mas yog cov nyiaj uas tsaib no tau tshaj qhia ntawm Tseem Fwv Daim Ntawv Qhia Txog Nyiaj Khwv Kom Them Se los yog cov nyiaj uas tau khwv dhau peb lub hlis no, qhov twg thiaj zoo tshaj rau tus neeg mob. Rau cov neeg uas ua hauj lwm rau lawv tus kheej, nyiaj khwv yog cov nyiaj uas tau teev tseg rau ntawm kab lug 9 ntawm Daim Foos 1040 ntawm Tseem Fwv Daim Ntawv Qhia Txog Nyiaj Khwv Kom Them Se. Cov nyiaj txais ntawm tej lub tuam txhab, lub koom haum, los yog koom haum koom tes los kuj yuav suav thiab. Yuav tsum muab tag nrho cov ntaub ntawv them se uas tau xa mus rau IRS tsaib no

xa tuaj thiab.

Cov txij nkawm uas tseem tsis tau sib yuav tiam sis nyob rau hauv tib lub tsev nrog nkawd me nyuam los yuav muab saib ua ib lub tsev thiab yuav suav tag nrho niam txiv cov nyiaj khwv ua ke. Ib tug neeg uas nyob rau hauv lawv niam txiv lub tsev, tiam sis tus neeg ntawd muaj hauj lwm ua thiab nws them nqi xauj tsev los yog nyiaj nyob rau nws niam txiv, yuav muab nws saib ua ib tsev neeg txawv ntawm nws niam txiv tsev. Cov nyiaj txais rau cov tib neeg uas muaj 65 xyoos rov saud uas nyob rau hauv nws ib tug me nyuam lub tsev uas txais nyiaj Xaus Saum xwb los yuav muab saib ua ib tsev neeg txawv ntawm nws tus me nyuam tsev.

Yog hais tias tus neeg tso npe tsis tau ua hauj lwm rau tib tug tswv hauj lwm tau ib xyoo nrho, ces yuav muab saib nws cov nyiaj khwv tau plaub lub lim tiam uas ze tshaj kom thiaj txiaj txim siab seb nws puas tsim nyog. Ib tug neeg twg uas qhia hais tias lawv tsis tau khwv nyiaj hlo li los sis tsis tau txais nyiaj hlo li lawv yuav tsum hais thiab sau ntawv tib si qhia seb lawv txais zaub mov, khaub ncaws, thiab chaw nyob li cas. Cov tib neeg uas txais nyiaj qis dua 300% ntawm Tseem Fwv Theem Pluag, raws li lub koom haum Department of Health and Human Services txiaj txim txog, tej zaum cov tib neeg no yuav tsim nyog txais kev pab nyiaj txiag.

Yuav tsum xa ntawv pov thawj txog cov nyiaj txais ua ntej dhau peb caug (30) hnuv txij thaum hnuv tso npe. Cov ntawv pov thawj txog nyiaj txais suav nrog daim ntawv qhia nyiaj khwv, cov ntawv them se W-2, cov ntawv them se, cov ntawv pov thawj ntawm tus tswv hauj lwm, cov ntawv qhia muaj dab tsi rau hauv lub as khauj txhab nyiaj, thiab cov ntawv them se.

Thaum ib tug neeg mob tau txais kev pom zoo los txais kev pab nyiaj txiag dhau tus txheej txheem tso npe mas, cov nyiaj uas twb them rau tus nqi kho mob ua ntej txais kev pom zoo los yog tom qab txais kev pom zoo mas, yuav **tsis** them cov nyiaj no rov qab.

CVHS kuj tuav cai kom pom zoo rau tej lub as khauj kom thiaj txais Kev Pab Nyiaj Txiag raws li lwm lub zwj ceeb uas tej zaum qhia hais tias ib tug neeg twg pluag pluag heev.

Hais txog cov neeg mob uas tso npe thiab txais kev pom zoo txais nyiaj pab dhau tus txheej txheem Tso Npe Rau Kev Pab Nyiaj Txiag:

1. **Txhua tus neeg mob thiab cov tswv cuab hauv tsev neeg uas kuj tsim nyog raws li tus txheej txheem tso npe mas, lawv txhua tus yuav txais kev txo nqi 100%.**
2. Tag nrho txhua tus nqi seem tshuav yuav muab hloov rau hauv Lub Txheej Xwm Saib Xyuas Neeg Mob Cov Nqi. Nov suav nrog tej nqi kho mob seem tshuav nrog Access One.
3. Kev Pab Nyiaj Txiag no yuav kav mus tau 365 hnuv tom qab hnuv tso npe. Tom qab 365 hnuv dhau lawm, cov neeg mob yuav tsum rov qab tso npe.
4. Cov Neeg Saib Xyuas lawv zam tau qhov no raws li lawv pom zoo.
5. Tej kev pom zoo rau kev tso npe rau Kev Pab Nyiaj Txiag yuav muab faib rau hauv lub tsev kho mob thiab qhov chaw Tsub Nqi uas lub tsev kho mob tswj hwm kom tus neeg mob thiaj tsis tas tso npe ob zaug los yog xa ntaub ntawv ntxiv tuaj.
6. Kuj yuav faib tej kev pom zoo nrog cov no: Catawba Valley Hospitalists, Wake Forest Cov Kws Kho Mob Hauv Chaw Kho Mob Xwm Txheej Kub Ceev (Emergency Room Physicians), thiab Piedmont Pathology

Yuav tsis tsub nqi hlo li rau cov as khauj uas twb txais kev pom zoo los yog cov as khauj uas tseem tos kev pom zoo.

CVHS tuav cai kom tshem tej kev hloov ntawm tus nqi them ntawm Kev Pab Nyiaj Txiag thiab tsub tus nqi tag nrho ntawm tus neeg lav lus no yog hais tias kuaj pom tias cov ntaub ntawv uas qhia no tsis muaj tseeb los sis yog CVHS muaj puav pheej tias tus neeg txais kev pab nyiaj txiag twb txais nyiaj ntawm lwm qhov chaw.

Cov neeg mob cov ntawv thov kev pab nyiaj txiag los yuav tau muab xa mus rau CVHS Cov Kws Txiav Txim Kev Tsim Nyog Txais Kev Pab, Cov Kws Sab Laj Nrog Neeg Mob Txog Nyiaj Txiag, los yog Tus Saib Xyuas Pawg Pab Neeg Mob. Yuav xa tuaj ib daim ntawv txog kev txiav txim siab txog kev tsim nyog ua ntej dhau peb caug (30) hnuv tom qab hnuv tim tau xa ntawv tso npe tiav tuaj.

TAU TXAIS KEV POM ZOO LOS NTAWM:

Pab Pawg	Hnuv Tim
Cov Thawj Coj Siab Tshaj	07/11/2024

Tej Hnuv Tim Tshab Xyuas: 07/11/2024, 03/11/2024, 07/01/2022, 12/02/2020, 07/06/2020, 03/04/2020, 02/02/3017, 06/06/2015, 12/27/13, 05/09/2011, 05/28/10, 05/14/08, 05/01/08, 02/06/2008, 08/01/2007, 01/31/2007, 09/27/2006, 04/12/2006, 12/07/2005